

丹魁堂詩集

丹魁堂詩集卷三

江陰季芝昌仙九

古今體詩七十一首

戊子六月全家抵都賃屋椿樹衙衙與張詩船農

部詳河同宅卽次其集中移居詩韻

得傍宣南卜數椽敢勞賢母費三遷注將金瓦操全局

憶到帆檣度半年宅並張融分水慣宅中有井價輕季兩家共汲

雅買鄰便有誰圖作邨夫子也遣詩囊酒具傳

棲身甫定手旋叉原草名慙乞顧家山愛巢鸞容有樹

晉蕃擬來合寓地閒房馬爲無車平安報近依慈竹惆悵春過

待晚花自此心知來遲熟密雲龍喚後堂茶

送陸少逸州倅葆需次滇南

一卷冰文別緒牽閒情賦裏寫纏綿

君書閒情賦爲贈

字符逸

少書原稱才比清河笑亦傳展驥未容憐半刺飛鵬翻

悔息頻年從今不悵天南遠鳬舄衝雲有兩仙

兼謂丁伯言大

令

驪歌欲發尙沈吟宣武坊南喜盍簪萬里長風男子業

一牀舊雨弟兄心

前夜諸君子雨宿荒齋

不妨家夢煩蝴蝶差覺

生涯免蠹蟬此去山登金馬上料應回首五雲深

狄仲存乞題其亡姬雪鴻留影圖

雪可手搏偏易散鴻經目送幾能還人閒泥爪匆匆甚
繪取冰花照玉顏

解脫金經六如偈低徊玉案八篇詩

仲存自題四律細君和之好教

題徧驚鴻影便當新詞付雪兒

隔得春江望眼勞縱殊根葉本連桃收香聽說因緣在

么鳳還來挂綠毛

姬毛姓仲存約續箋其妹

得長子明府章芋園同年

汝楫

書賦此復之

雙魚珍重尺書將遠渡清漳與濁漳茂俗豈殊風蟋蟀

好官應勝號鴛鴦

唐崔珣爲長子令政績頗著

處膏孔奮身還潔種

樹安仁韻亦香想見政成庭訟寂畫簾侵晝下虛堂

尋春紫陌舊同心面隔經年意轉深願我棲遲猶日下

令人應接幾山陰

君與王湘浦同年俱家山陰湘浦近亦有書

曝顯愧說交

州浪假手輪橫單父琴莫悵遠睽天尺五竚來飛鳥越

煙岑

次韻和晉蕃珍珠梅兼寄繆滋雲

庭桂

四川

京居延一花喜欲三薰沐空庭鮮栽植有幾絢華縵去
年卜茲宅入門輒留囑簣簞六七竿搖曳清風肅丁香
三兩株紫瑛間瓊玉朱藤亦條肄綠窗襯纖縠平生癖
幽興賴此息塵躅旣非宅不毛頗謂賞心足有花未知
名細纈弄輕馥堂前亞枝繁并眉駢樹複繙譜數羣芳

利銖靳余告相逢詠花人肇錫乃不俗孤山門地尊頡
頤若令僕纍珠宛象形百琲粲娛目我思寵以詩拈毫
頻縮惠吾倡和者誰獨操陋單鵠楊君惠肯來素交木
無瀆閒情寄新什伸紙向花讀詩人一枝筆驅使及草
木君是癯仙姿心期同萼綠有如陶泉明高風託籬菊
不教凡卉英輕厠暗香族忽然自解嘲終篇收野鷺知
君感慨深空花視榮辱梅無四時春秋夏吟屋江邊
一樹殘嶺頭十月復此花借名號彌縫徧涼燠以三月
開九月
罷
得毋梅如魂香國訴衷曲花神爲結撰賜珠尙盈斛
楊家故善妒相謔堪捧腹有客隔蠶叢馳書慰羈獨殷

勤念此花泥露媚初旭

滋雲會館此屋書來及之

古人采綠思終朝

憐一窺何時重合井花下傾醺醪蘇黃賦蠟梅創製等
奇服儻能驛使來珠字排滿幅

木瓜分韻得投字

輕黃小品劇清幽每件鉤緣列案頭漬粉爲誰醫頗用
登牀容我緩筋謀客心強半同酸楚友誼從來重報投
似此苞苴良不惡刪詩早遣古風留

晉蕃招同伯田食蟹伯田有詩次韻

胸中漸欲銷角芒客愁復怕添鬢霜銜杯持蟹一笑樂
光燄撥出燈昏黃吾儕生小飽鄉味刀鱗銀鮓足心醉

自別家園減食單有如橘柚難遷地秋來獨喜酬飢餐
擘玉滿斗金盈盤尋常閤筆斷吟興換詩有例須尖圓
詩人齒牙本清脆大嚼狂吟兩無棄邀對如今影果三
橫行似彼螯纔二酒酣爲說富貴時百千買菊同歡嬉
程奎批答語信矣畢卓左右花繞之簞車豈敢笑禳祝
豚酒尙恐輕操持人生豐嗇任淹速漫向侏儒較囊粟
監州那必郡真無作賦肯將貧遽逐卽今咫尺聯孤芳
傾寫肝膈呼桑耶螭蟀自大戒多食螻蛄不識慙升堂
請聽花擔街頭喚便是當前晚節香

九月二十七日藤餘竹可齋小集

黃金菊花紅玉蟹天遣俊物生同時吏部不持虛左手
彭澤不采孤東籬有菊無蟹哂淡對有蟹無菊徒觀頤
邇來霜英正催發招提幾輩尋花嬉城南咫尺謝游屐
去覺暴富歸貧兒呼僮欲買數十本苦乏盆盎青紅莢
圍霞簇錦料非分秋光點綴纔幾枝小人所居況近市
團臍喚賣饒涎垂便攜介士向壽客誰則獲雄誰守雌
張南周北二三子共此跌宕花前卮酈泉之水可百歲
不及壯日拈吟髭盧家之膏說一品爾後笑舌疇能治
人生要在適意耳修短貴賤岐中岐一蟹不如勿輕謂
體長而食容非癡羅含儻欲侈叢菊投簪解組知何期

自文淺陋作達語縱有心賞供人嗤君不見江南黃雀
肥流脂雨餘松蕈鮮滿匙故鄉回首歸未得酒醒燈殘
惹夢思

讀錢衍石給諫

儀吉

近詩題二律

雅致出名理河東信善談修篁韻醫俗諫果味回甘語
絕藩籬寄文攜冰雪參陳平炫冠玉對此那無慙
甘載朝簪繫依然下董帷橫霜晨拜疏催雨夜論詩軌
埽塵緣淨囊安秀句奇宣南素心侶欣賞悔猶遲

題畫梅樓圖寄湯雨生參戎

貽汾

杭州

鷗波夫婦稱雙絕衡山父子能傳鉢君家眷屬一笑兼

消得生花幾枝筆筆花不屑買胭脂冷淡寒梅作生活
爲愛冰姿築小樓此樓便是神仙窟想當千樹萬樹開
遶樓拂拂春風來將軍灑翰肖生面徐熙粉墨何有哉
羅浮香夢易惆悵孺人左對眞歡哈看搢雲袖染皴玉
如點額上新妝纔能文稚子亦心喜要取疏影研輕煤
家雞可學意敢厭鳴鶴有和聲無猜君於此時樂莫樂
詩情爭共巡檐索嫵媚應添宋相辭彷徨絕勝揚州閣
去年北走京華塵小別猶憶樓中人徧徵曲子紅羅豔
歸映堂前玉照新我憐林處士枉占孤山春平生妻子
託花鳥獨自偃蹇西湖濱如君奇福信修到卽展畫幃

皆前因我詩題罷寄人日咏花遠羨團圞身

三月七日沈青士同年 錫庚 招賞桃花賦謝

小雨輕雲儘復寒園林花事擬遲看忽逢照座驚狂客

桃爲狂客見三柳軒雜識卻詫藏春到冷官錦障出檐香遶屋霞標

映酒豔蒸澗果然初七嬉游好同倚東風十二欄 主客共十

人二

偶登茵席感平生彈核拋泥事未成幽怨漫吟和露種

綺懷空說渡江迎且拌轟飲紅香地絕勝同年紫陌情

一樣浣花箋紙色休文才筆定縱橫

辟疆古園圖爲顧蘭塘大令 翰 題

君家枕梁谿我家帶江水潮平駕扁舟朝發夕至耳家
居不一面面乃三千里城東萬柳堂從游自茲始沙痕

幾搏散荏苒九年矣

壬午閏春同人游萬柳堂君有詩刻集中

我方滯人海

蟻學一宮蟻君將試仙令雙鳬五雲起青青皖公山山
神應倒屣世情區冷熱鄉思各遠邇矯首望南天那不
念桑梓矧君紹先澤清芬勤仰止當時辟疆園觴詠十
七子藏書絳雲埒定本雞林市隱豹尙文章第一冠

國史卽今陶徑閒亭館略荒圯文孫振風藻雲煙寫遺
址平泉萬草木典守果誰是謝墩介甫居藍田摩詰徒
何如肯堂構繪此尺幅紙徵詩歷行篋奚童負而喜他

年種花人到處徧桃李角巾歸午橋春風拓霞綺我時
亦買山抱甕漢陰比寒茆幾弓鋤修竹二分倚卻訪虎
頭癡日涉接芒屨幸勿驅獻之謂僮不足齒

庭前白紫丁香二株同人各有分咏戲爲合賦

雪肌乍出東家牆紫衣俄見紅拂妝一丁不識俗子愧
二美旣具詩人狂花花相對別濃淡意若解語吾能詳
從來素客錫名號早爲閒色增隄防低顏一樣海棠婢
何物狡獪泥封當世人祇怪作白眼誰信百結縈心腸
昭容揜袖忽笑粲脂粉幾見污容光姚家之王魏家后
猶仗嫣姸傾羣芳當時不貴宛陵種草木那說平泉莊

便邀皓月寫形影遣此寂寂須霞觴春風同向輒愁妒
解圍爲爾來平章尹邢國色擅雙絕如共宮掖難參商
翦紅刻翠等閒事獨以情許宜偕臧寓公況復轡懷抱
珠梅未吐藤疑僵敢因纖弱嫌無力欲當溫柔賴此香
瓶中芍藥和晉蕃

買春容易說家家此會豐臺絕勝誇烘豔儘人催向火

倦游如我嬾留花

游豐臺者償園丁一日
價戒勿翦謂之留花

分難選客符

金帶心擬藏嬌護碧紗誰錫將離名字在祇教旬日試

繁華

常帶翻趁日華新數典中書跡已陳可爲姚花甘作相

尙攜謝句慣驚人軍持徧借拌多事香國能來識素因
檢點數枝婪尾好擎杯莫悵殿餘春

楊葆卿國丞宜之以柯亭司籍東華修典槐市橫

經三圖屬題

人生仕宦誇臺省捷足天衢競馳騁韓愈何當老四門
張先卻早傳三影君本蓮花山下居盈川名譽介王盧
門施行馬推公子家有銜鱸兆大夫少年橐筆登場弄
先遣椎聲副車中供奉方資李謫仙承明好借文徵仲
丁東鈴索響軒除祕笈多窺未見書蓬島尙愁風遠近
握香真到月扶疏我

朝典禮逾前代綿葛叔孫慙草昧七寶樓臺要斧修三
通淵海誰津逮東華妙選幾分曹編校頻番脫兔毫五
夜青藜中壘共兩行紅燭子京勞策勲盡擬超恆格鳳
池奪我情偏惜祇因

帝重鄭虔才遂使官連戴憑席頭銜換得總冰清十丈
塵飛不染纓曾覲玉皇攙案吏旋忙舉子拜門生鵬鵬
正喜搏扶上寸草心枯轉悽惻雲戀河陽嬾出山波平
潁水常停漿謁來重訪杏園春花意矜驕慣惱人已挽
陽城留教士可禁文度遠思親閒將畫幃招吟癖廿載
鴻泥數陳跡劉并柯亭望若仙漢經周鼓看如客我亦

成均守散僚春風未許燕移巢聊同甄宇甘分瘦欲倩
陽雲爲解嘲堂槐豈是音聲樹東觀輪君舊翔步蕉鹿
因緣夢故佳竹鮎身世天應誤見說陔南日影添歸心
莫遽引陶潛相期徧挾三霄藻本事增圖十幅縑

寓齋新支藤架適試數花子容誦孫連日見訪相
與納涼其下誦孫爲賦四律次韻報之

牽船著岸半浮家取蔭移牀分豈差槐市暫容拋夏課
藤欄私喜補春花尙嫌葉薄篩曦影漸覺條長引露華
今日新詩真好護碧紗天遣向人誇

巷隔青楊選境幽閒庭常願客簪收夜疑積雨商量月

暑有清風探借秋開徑幾人從蔣詡讀碑與爾訪楊修
誦孫有訪碑錄數卷晉蕃綠天庵裏能來熟比似蕉心
展得不

本來野鶴苦乘軒香土迷漫每杜門種竹曉看筠綠嫩
買花春愛藥紅翻出山小草原同調施木新蘿宛受恩
卻待明年瓔珞燦擎杯狂吸紫霞痕

誰共銜泥築燕窠幾曾隱葉織鶯梭

太白詩密葉隱歌鳥

涼陰聊

擬先生柳柔緒難牽侍婢蘿

時欲納妾未果來韻及之

夸宅微之成

跌宕尋春杜牧感蹉跎因君欲起龍蛇蟄藻夏煙雲一

倍多

以西瓜餉誦孫承貽長句次韻奉答

汲井浮來翠滿匱，清炎真箇及瓜期。
清涼散願同心服，襪人難選鼻知蓮的。
分甘慚匪報，前荷蓮蓬之貺蔗漿鋤熱。
問何時傾筐蒲鵠園，夫事卻感殷勤子美詩。

香蕃不食西瓜作詩索和戲次原韻

露坐幾疑粟起膚

君雖盛暑不納涼庭中

金刀曾不剖雲腴，故應

北地加餐慎祇恐南皮韻事無。
綾餅殘牙原味在，蜜筒果腹亦時須。
太眞當日能嘗此，啖荔何難肺熱驅。

客嘲自解託清幽，消渴無端付茗甌。
忍俊似愁冰谷戰，怯寒空負井華浮。
寓齋有井冷淘槐葉誰宜夏，輕夏桐枝未

覺秋

俗以立秋日
宜食西瓜

料得箇中嫌蒂苦投書一笑熱心休

水煙同晉蕃韻

蒲萄取種成僊醺苜蓿移植肥牡駟金絲蓋露功不銘
何事滋蔓來重溟蘭州別復開畦町淡巴菰外春苗青
西方有美逾隰苓稠載四出馳軒轅伊誰搆此洞酌亭
匹合婦王與女丁火攻策苦熏心形濟之以水清泠泠
金莖二尺承露零象鼻彎仿簫杯馨虛敲滿覆夙所聆
飲河量腹中泓渟晝長午倦頭觸屏乍聞花漏鏘玲玎
呼僮有智解挈瓶要吐碧篆穿丹櫺輕屑一映流珠星
閃燄巧入疏簾螢飛灰葭管吹無停落韻時戛金銅釘

世閒習尙風轉鈴清濁能幾區渭涇塵尾許捉王謝庭

紫羅囊尙焚熒熒胡爲噓吸誇通靈漸陟官閣登侯廳

潮陽吳派裝粵船潮煙玉壺薰透銷羶腥鼻煙流傳非種繁

林垌鋤縛曾不加礪矧我欲驅使食葉螟相思根斷山

巖局本草遠訂神農經覆水盡瀉高屋瓴旁人匿笑君

何冥葵漿蓉膏名試聽御史請禁鴉片有葵漿芙蓉膏諸名昨朝封事奏

大廷請厲舊禁申嚴刑中山沈醉肯遽醒甘遣鳩毒凋

年齡淺深且辨浮波萍吾言休效撞鐘莛

詩船席上食蓴羹

君家季鷹太無俚歸心遽爲秋風起君今乃有緇地方

千里湖蕒致千里聽說湖頭新采時一日暴之勿逾晷
色絲黃絹熨貼平珍若菁茅重包甌長安設客尠鄉味
釵股登盤詫嘉旨吟詩例及蜀生薑玉溪詩蜀薑供煮陸機蕒易地
勝踰淮化枳香芹那敢詡調羹苦筍未須羞致仕疑君
曾得井州刀當筵遠翦吳淞水老饕飲此紫絲滑不枉
子公占食指轉思座上左慈來釣得鱸魚合雙美

四十初度

玲瓏歌裏唱催年已抹琵琶四十絃蓬島不求靈藥種
菊天長結晚香綠擁旄仗節慙非分用晉書王琨傳語鍊永燒
鉛靳得仙容易被人猜井謎出山何日見飛泉

磨牛身世轉旋同陳迹團團踏最工每飯未嘗忘鉅鹿
貨春曾許效梁鴻余年二十隨侍祖父鉅鹿三十時寄居甥館劒頭危語教
炊米琴尾焦痕記爨桐莫怪臣精消太早廿年哀樂感
無窮

鷓鴣棲借

上林枝鍛剛如何當羽儀官守但勤庚子拜人情應笑
甲辰雌窗前野馬愁飛轡箔上春蠶惜吐絲此意便輸
梁灝健倍年還有狀頭時

潦倒情懷強自寬竹間子母喜團圓無營不改萊公髮
有累先除仲叔肝一枕槐柯憑夢引半鑪芋火任灰寒

右杯左蟹當前事消受年年爲合歡

同人以余生日買菊數十本爲贈兼致良醞因招
同讌賞分韻得根字

淵明數上知己第一王宏論白衣偶送酒千載名常存
其實宅邊菊自在柴桑邨歸來未荒徑酌彼徒盈罇今
人十倍古舊樣都新翻猥以庚寅降相偕娛屈原充幃
恐蕭檄結佩宜荃蓀謂茲延齡花尺五城南繁急踏阮
孚屐往尋祇樹園黃花是般若善價偏瑤琨須臾壓擔
來羅列紅縹盆貧家富錦繡絢爛彌櫺軒諸君如天女
散花固無痕我如大弟子著身亦無言青州六從事乘

興復欵門似嫌韓圃淡佐之郢釀溫獨樂豈吾願清歡
當共敦譬諸用兵者因糧樹營屯酒軍旣相遇拔幟羞
降旛雅歌或類蔡舉卮誰辭樊是時銀燈外花影搖偏
反滿堂美人粲意欲留齊髡燭奴忽走報雷雨檐前喧
不愁使君箸膽落英雄吞卻喜陳遵客投轄天公煩洗
盞更酬酢嗅花盆清磨念我有生後日月驚駭奔年年
晚香節酣嬉能幾番從今三十載例儻香山援香山詩云若以
七十期猶得三十年階莫算舒葉不過萬朝昏豈有彭祖術思拜
一束恩豈期羅含瑞盈庭茁芳根惟應與酒人盡醉禱
紫闥東坡霜骨傲長使貞寒暄樊川笑口開一切除煩

大易集言卷二
三
免但飲甘谷水何求武陵源但滿孔融座何爭安石墩
碧翁聞我語晒我謙而尊屏翳敕返旆阿香戒停轅我
扶眾賓起看上樽桑墩

重九日雨柬晉蕃

十七年前值此辰登高酬唱筆如神平原才豈多於我
汝士詩能壓倒人忽對菊花慙短鬢爲疑饒字負吟身
今朝同坐蕭蕭雨一事回思百感臻

秋柳和韻

攀枝誰惜灞橋殘多少封侯夢未闌拂到征衣金線換
吹將怨笛玉關寒曉風詞句憐三變春月丰姿怕再看

不是青青渭城唱勸君杯酒可能歡

煙絲親見雨中添
驀地新霜撲短檐
彈指尙留他日染
舞腰爭憶舊時纖
人來張緒難依樣
筆仿枚生覺退尖
怪煞春風等閒度
畫眉深下水精簾

題張遠春丈

興鏞

集歸去來辭詩卷

去年風雪燕南路
記得先生賦歸去
別來幾度誦新詩
想見田園日成趣
東坡晚年癖和陶
百廿首中寄深慕
先生搥碎黃鶴手
祇借一篇出千句
雉頭狐腋集成裘
綫迹鍼痕無覓處
淵明有靈應大詫
典午文章此高踞
吾生不折督郵腰
外人何闖仙源步
豈知五茸吟嘯時

先生自號五茸歸叟北窗倚傲儕皇義柴桑出處本相合乃剖故
繭繰新絲我欲從之松菊裏贈答影形思竊比先生一
笑爾唐裝吾獨能爲晉裝耳

詩船屬題鼓山留佩圖

當年佛印作狡獪問禪竟脫坡公帶豈因眼底迷五色
遂遣口頭疑四大君從雲水洗雙眸閩嶠星輶馳並軌
傳衣弟子八九十青佩青衿忽如蛻便煩載酒昇籃輿
徑上名山攬煙靄湧泉寺傍喝水巖左鼓精藍此其最
寺中老衲知幾人例以參寥應自卽君曾未落箭鋒機
佩玉紫兮胡遽句得毋山靈久羞妒也要鎮山圖晚蓋

人生五嶽須盡游君況探奇涉關外從今乘傳徧區宇
到處山靈迓旌旆腰間十一恐難償君藏十二時古玉
佩所留者子時佩
也或者仙妃益江瀨

對菊雜感和誦孫韻 四首存二

日澆蠶斗愛臨晨夜熬銀缸爲寫神滿地飄零遲覓句
升堂細瑣賴生春寒英豈任餽糧事老圃難安將相身
我願花前教喫酒霎時萬里靖邊塵

月令標題只有黃秋來葵影共傾陽如何譜上私名屨
遂使籬東閒色狂一樣繽紛開冒雨幾番調護飽經霜
累他無數司花者謫下西風痛飲場

題趙伯青種竹圖

秦臺蕭史本神仙一曲雙聲總並肩
引得鳳皇思竹實故應種向玉階前

閒情那肯讓王猷日遣平安報畫樓
一笑人家楊柳色此君瀟灑卽封侯

隨身硯匣說琉璃畫竹閨中有仲姬
重與綠卿添韻事夫人寫影壻題詩

隔牆半載結吟盟佳句爭傳趙嘏名
若取琅玕裁作笛定教吹出倚樓聲

齋名竹可愛檀欒我亦閒庭植數竿
祇悵風篁空夏韻

更無翠袖倚天寒

伯青將省親泗州以盧溝送別圖索題

落燈風裏整歸鞍別意催人展卷看知是望雲心最切
盧溝月曉不辭寒

玳梁差羽惜分離春去秋來與燕期好采紅藍河畔草
攜將北地作燕脂

因君此去重懷人記別黃公已四春

夏穠菴廣文方官時貽

爲語

冷官同況味高歌痛飲幾相親

喜晤陸祁孫大令

繼輅

卽題其宣南話舊第二圖

拔幟騷壇四十年無多名士許齊肩放翁團扇吳中畫

魯望叢書笠澤編入手便能營五鳳論才那不兆三鱣
君曾爲合肥校官而今鳬舄飛飛至恰喜相逢在日邊

溫嶠甘居第二流新圖容我姓名留平生久抱攀嵇願

此會真如御李游聞笛驚心嗟異物

謂筱山秀峯兩丈

扶輪矯

首數同儔

謂翰風申耆若士諸先生

豐臺花事偏容易聽說將離又

惹愁

上巳日祁孫見題怡雲圖並惠崇百藥齋集賦謝

重三踏青悵無偶坐想晴煙添細柳當關忽報詩奴來

一朵瑤華入余手君詩題我怡雲圖態度藹藹春雲俱

縱山去鶴不復返感愴同向雲中呼

來詩感及披圖幾

同讀幾徧我亦君苗早焚硯平原積玉況相投照眼能
無夜光眩二十八卷窮雕鏤百藥曾到三山求何圖赤

箭青芝外凡草猶經藥籠收

集中有題試峻堂詩後見寄之作

長安車

塵密如霧難得閒情託豪素一樣王晞爛熟官偏耽謝
朧驚人句西頭咫尺住清河文字因緣往復多一縫殷
勤貽素縷雙珠珍重繫紅羅石欄點筆酬深意不負今
朝豁新霽勝似從人禊洛濱清談袞袞聽王濟

青士復爲觴桃之集醉後放歌

去年醉飲桃花下綺懷曾對桃花寫

余有句云綺懷桃空說渡江迎

桃花有神笑領之若許漁人問津者今年重舉花前罍桃

花見我顏如赭不應相約訪天台劉郎雙雙阮郎寡

青士

新納

豈伊度索山仙人方可攀或者元都觀道士不容

看得毋不第進士之崔生春風羞遣城南行我無彌子
瑕分甘啖我愛我加又非阮宣武家有妒婦斫汝苦胡
爲華林園內七百三十有八株欲折一枝花也無魏風
之桃我歌且謠綏山之桃亦足以豪門來縱少夫人咒
簪處須添妃子嬌不然河陽令宰種一縣孤擁黃紬有
誰羨春官門生誇滿城後堂不聞絲竹聲人生漂漂若
桃梗手不繫桃都山頭日月影身不住桃源記裏桑麻
境徒乃腰束桃花綬腕脫桃花紙足曳桃絲履口銜桃

核杯西池阿母獨自捧桃獻平陽嬌女折桃倚樹無人
陪吁嗟乎桓家好桃珍嵇矢德之休明乃能爾旣不爲
東方朔三度偷何敢與王獻之一姓齒是日王著林同年引大令自喻
我謝桃花且休矣

次韻祁孫詠楊花

生是柔腸萬緒牽不禁飛傍畫欄邊春華與我同飄忽
風信憑他判起眠薄有因緣登硯席可堪時候換衣絛
祇應慧曉池塘畔點點含情記此年

買花詞

街東賣花聲街西賣花擔一錢乞一花頃刻紅雲散玉

環錦襪歸何許吳市西施看無補不如買此豐臺花明
月清風都媚嫵買夏須論園買春要沽酒此花非夏復
非春婪尾一杯剛在手似許三生杜牧狂不應十日平
原負我聞燕趙多佳人買笑動說千金陳豈知舉卻阿
堵物不是傾城傾國色獨有名花慰客愁年年不遣阮
囊羞四圍金帶知誰稱百琲珍珠願爾酬從來眞品原
無價花神著意催新嫁近侍羅生語未平女郎淮海詩
休訝今朝爲賦買花詞蛺蝶影飛飛去恐遲說與時人渾
不解閉門忙煞畫胭脂

送詩船觀察督糧山左

臘鼓鼕鼕古語盈

丹霄新詔聽分明一麾豈是才人例三絕先傳

禁省名特地章身犀帶貴十年回首鳳池清最欣不隔
觚棱遠記里纔經六日程

道漕浮濟禹時書齊魯千艘督挽輸舊守農曹知貴粟
方生春水便登艫北來山色思跼注南望煙光接澱湖
好奉雙親暢行樂蒲帆桃漲繪成圖

井眉夾宅當清漳四載吟聲徹畫牆握手記剛收玉尺

余獄寓時君方自閩中輟旋

論心時共醉瑤觴分春楊柳憐新別藻

夏芙蓉送遠香

時與夏伯田同行

祇盼鯉魚消息到深情頻寄

潞波長

傳臚日恭紀

闔闔晨開繞瑞煙姓名三度聽傳宣出班恰逐龍頭後
一甲三人出班第一並響應慚馬齒先
吳崧甫朱桐軒
第三皆跪甬道之左
於科第幾人酬志易文章今日受
兩同年皆齒少

恩偏歸來簪帽花枝燦喜是承歡舞綵年

太學釋褐紀事

三年槐市甫遷官

客臘遷助教

座客無羶笑太寒敢說雞林

聲價重

教習俄

忽教雁塔姓名看

題名碑

禮嫻釋菜司

儀久拜許升堂祭酒歡

新進士拜司成於階上

未忍橋

余官國學例得堂上拜

門拋舊侶手麾旗鼓話盤桓

張靜軒前輩

鑒

以晴芬師所繪水竹居圖屬題

吾師如水心下筆胸有竹翩然賦歸去柴門覓幽築

師嘗

自繪水竹柴門圖

我久出公門未乞縑一幅公言吾再來爲寫

簣簣谷如何在山泉懸厓咽寒瀑今朝披此圖殘賸惜
膏馥浙西老同年所好敦自夙攜將畫三尺撲盡塵十
斛淡交水以成勁節竹猶矗朝市亦山林何必徑松菊
我居近前輩城南幾分屋題詩韻和陶感舊莊荒陸臥
聽竹外人流水響車轂

奉和芝軒師易州工次奉

旨授大學士恭紀二律次韻

越格

恩綸賁赤墀遂超右弼踐前疑

不由協揆而卽
眞拜乃異數也隆名久

契金甌卜碩學能邀

黼座知

有學問素優
旨

賦式兼權關國計干戈載戢廣

宸慈

命管理戶
部旋調管兵部

爲霖慰滿蒼生望請看連朝雨應

期

入夏盼澤甚殷宣
麻後謝雨時至

鵠立門牆幸比肩石渠惇誨荷勤拳人知房杜嫺謀斷

公教習庶吉士近以
房謀杜斷賦命題

我喜韋平任事權青眼師恩羣輩

裏黑頭公望十年前

公位尚書時乞
養家居者十載

回思當日和羹詠

早信勲名繼昔賢

癸巳四月十六日散館

欽定一等一名恭紀

堂陞交驩泰運開一心一德重衡才同趨

紫禁欣承

詔

親御丹毫許占魁
十七日閱卷大臣擬芝昌第一進呈

筆書魁字於上賦首二字詩首二字於下蓋十六日呈卷時已蒙

欽定矣

覆載無私慚學淺
賦題爲三無私身名蒙福感

恩培從今珥筆勤思稱敢負西清視草臺

七月十六日

大考翰詹蒙

恩擢授侍讀恭紀

九旬重校藝一賦遽遷官遇晚償偏速

恩稠報愈難論資新玉署勉學到

金鑾

勤政殿對渥蒙

獎誨

回首煙波侶江頭尙釣竿

充教習庶吉士呈大教習芝軒師相

纔離鼓篋卽皋比蓬閣仙班又一時請業居然來後輩

銘才何幸得吾師愧無新樣穿鍼度莫誤韶光刻楮遲

記得從游曾御李大書濃墨賞妍辭

李栢堂學士爲余小教習師

奉和鶴舫師登岱二律次韻

山神喜迓使車臨省識登高作賦心斗北星辰同聽履
海東雲日照題襟千盤薛壁新痕寫百尺松圍古籟尋
等是崇朝霖雨徧故應攀陟寄情深

我亦征鑣幾度聯寒帷祇許望層巔未看秦觀三霄日
孰俯齊州九點煙想象清游凌絕頂摩挲奇字託遙天
從今瞻仰昌黎願不獨文章二百年

丹魁堂詩集卷四

江陰季芝昌仙九

古今體詩一百九首

臘月八日奉

命視學山左紀

恩二律

連番

朵殿共簪毫作賦何期沐

寵褒已遣冰銜頭上賁況兼玉尺手中操臣心祇恐量
才忝

天語猶欣及第叨

勤政殿訓俱蒙

召見養心殿請慙寵記甲第名次

聽賓朋援故事文衡卅載豔詞曹

阮芸臺相國大考邀擢後卽督學山東

海岱雄風說此都聖賢遺澤久涵濡培材要使徠松長

擷秀爭看泮藻敷清白數傳追世德公廉兩字懔

宸謨書生報

國無他物記取冰心照玉壺

出都

六載游京華戢影宣南宅楊

晉蕃劉鴻甫與蒙莊鐵佳前輩大令州倅

先後共晨夕隔牆兩松江

詩船觀察呼酒近咫尺辛冬松盟中翰

臘粥晨詩翁奮遙翮日月今再周我復整鞭策暫脫京

塵緇同看岱雲碧豈伊得地靈

殊恩越常格楊侯雖滯留展驥瞬將迫丁公前巷來

孫誦

移寓此屋藤竹仍戶冊我行剛及春我住已如客揮手辭舊

居泥鴻戀陳迹

吾家高祖來名場苦蹭蹬先子噪聲譽健筆扛鼎稱觥

觥王文端相期重相贈

先大夫客平湖沈尙書第韓城相國見之曰他日科名當似我

因手臨書

如何四禮闈曾不一第應十年困風塵萬里

諸爲贈

傷破甑小子讀父書祖訓敬而聽平生未從師捧硯淚

猶疑縣縣世澤長收效迨不佞才疏名轉豐事久理斯

定今茲謬提衡辛苦昔年證東邦矧多士嶧桐泗濱磬

庶求象罔珠勿則卞和脛

新城元旦李大令

廷榮以詩賀歲次韻

安得才如八斗曹屠蘇盞畔夜吟高留人一夕梅開閣
先我三年柳染袍吉語聽同迎歲燕

新恩重軼戴山鰲

梅葛君同年贈行句云屈指登科遙今幾日受恩翻覺戴山輕

瞻齊魯青青甚肯負初心愧節旄

正月十三日履任視事是夕鍾雲亭中丞招讌泛

舟珍珠泉

銀燭光搖放曉衙

寅刻試燈風裏好年華同舟雅泛金

樽酒夾岸全開火樹花官閣有閒鈴響靜春塘無凍槽

痕斜明湖水接珠泉脈省識淵源本一家

使署而大明湖房師許玉

叔先生爲中丞小門生故云

臨清至高唐道中作

經旬鎖院負芳時花已嫣紅柳已絲倚睡輦輿先補夢
偷閒長驛漫尋詩聽鶯未許披林樾勒馬何能緩勒羈
卻憶明湖春水漲棹船須待碧荷敲

自臨邑抵商河宿麥邱書院見何仙槎前輩倡和

詩石刻次其韻簡張雲坡大令

楷

並示諸生

麥邱名已古封壤接犁邱

臨邑古犁邱地

入境秀苗茂儲材芑

械樵循良欣有化挑達定無憂但使馴如雉何容拙笑

鳩弦歌千室萃梁棟十年籌

書院創始乙酉今十年矣

駐策來尋字

題詩憶命儔君應方召杜我愧踵枚鄒槐市因緣共

雲坡

與余俱會分教成均

蘭臺次第游雪泥蹤互印石壁韻重求鉅任

膺文柄殷懷勗好修陶鎔金待煉拂拭几先髹願壯鯤
鵬志毋爲雁鶩謀棠陰餘舊澤藻鑑景前猷會看勤鉏
耒書田力穡秋

商河寒食

七年別家山流光駛於箭揚雲無一塵宰木有餘戀年
年到寒食麥飯倩人薦遠慙王右軍誓墓守鄉縣今朝
煙雨濛驅車鄒魯甸石泉槐火時南望增淒咽人生寡

兄弟譬若孤飛燕新泥采拾勤舊壘思量徧豈無故土
懷難忘主人眷何時從德公上壠鹿門便庶幾似相加
宦游容易倦

登蓬萊閣

傑閣凌虛百尺高問天搜句首頻搔雙城俯瞰連山色
蓬萊縣城北有水城十洞周環漱海濤許我求仙風未引有人留
客酒偏豪憑欄極目鯨波靜卻憶橫流簡萬艘近星使
閱水師
此於

蓬萊閣觀海

斗室不懸五岳圖尺水不容萬斛鱸半生勞勞走塵土

眼界局促心鬱紆我家恰送江入海一角未許窺全模
今朝放眼向海若浮天際地無方隅晴光照耀閃金碧
大竹小竹皆島名擎盤珠老龍翻鱗起驟雨沙門杳靄雲
模糊晨霞暮煙各殊狀百怪變化纔須臾東連朝鮮北
遼瀋浪船點點飛鷺鳧奇觀如此得未有徑思飽泛十
幅蒲徒誇蜃市小樓閣如以蠡測良區區天風吹我登
三壺玉局金闕神仙都琴聲乍聽伯牙弄錦樣豔說鮫
人鋪袖中攜石偶然耳至今文采祠髯蘇磯頭問取釣
鰲客不知入網誰珊瑚

懷晉蕃前輩

年年消夏共藤陰座上荀香許我尋別燕難忘同壘日
烹魚時見寄書心愛窺月魄思圓影怕撚霜髭謝苦吟
珍重臨歧君有約微風懷袖最情深客臘瀕行曾屬以詩書扇奉貽
見說城南尺五天簫杯手捧酒蟬聯聞同人以君五十五生辰爲尺五莊之
游詩因地僻常題竹人比花清合愛蓮團扇描摹添近
事絲絃陶寫稱中年不知促坐歡談會可望明湖遠緒
牽

附和作

鵲聲頻起綠槐陰雙鯉遙來尺素尋別夢未忘前
度約清風眞見故人心簪花妙格然脂寫落葉餘

音擊鉢吟

大考落葉賦
君試高等

待拂浮塵祛熱惱奉揚情

思爲君深

蜺旌高映海東天官閣分牋錦字聯葩采雲中紅

日杏文章水面碧湖蓮

試院面
大明湖

從教說項憑知己

欲再攀嵇定幾年愁對蒼藤珠絡索涼宵偏引夢

魂牽

眉痕初月半棚陰促坐清談杳莫尋友好每增分
宅感路歧應有杜門心風聲屢聽琅玕報秋意如
催蟋蟀吟驗取空庭人跡少紫苔千點繞階深

閒倚停雲望碧天藜牀夜雨共誰聯愛延淡友多

栽菊難絕柔絲任拗蓮荀令衣香縈遠憶玉溪瑟
柱負華年酒樽底事秋來減爲憶純鱸客思牽

送誦孫入都

一番風雨展重陽歷下亭邊別緒長半載勞薪同轉轂
九秋叢菊奈離觴鯢身將化應思徙龍性能馴不願狂
慚謝盤螭吟古鏡更誰拂拭爲生光君賦古意二首見
貽有妾有青銅鏡
左右盤蛟螭感君勤拂
拭益自修容儀云云

廣談虞筆幾能并多少叩須我友情千卷共披銀燭爛

六州曾說玉壺清

春夏按試
州郡凡六

鵲華秋送飛雲影鼇海春

聽激浪聲

同登蓬萊閣

指日岱宗登覽處紀游應惜負前盟

約偕游泰山
今不果矣

促膝西窗得幾人知君拌醉酒逡巡那會彭澤腰甘折
孰道廬山面失真世味早嘗都淡泊名韁未脫各艱辛
班生此去登仙近莫忘臨歧執手頻

附和作

百尺樓憑灤水陽寄身許對碧天長使君林裏頻

移櫂

歷城北有使君林

壽客花前幾盡觴癖嗜多酬永叔

願

余好碑版君爲購覓甚夥

清談每恕嗣宗狂華筵餞我殷勤

甚恐負雙燒巨燭光

京國緇塵屢合并後車邀載劇深情春隨表海雙

輪轉夢繞明波一鏡清舊雨來時欣接迹

謂李侍卿仁

風揚處播賢聲鷗羣聚散暉閒事管領湖山賴主

盟

輪扶大雅仰斯人半載輜軒六部巡力避惹嫌知
守潔嚴收藥籠要才真案塵勤埽任旁午世味久
嘗諳苦辛指點現身工說法也應頑石點頭頻

十一月五日登岱至對松山

泰山之龍跨東海造化鍾靈溯真宰我來眺海復登山
天下奇觀此焉在朔風幾日吹飛沙簡書期促心咨嗟
岱神默禱輒有應今朝不遣纖塵遮初尋紅門便腰腳

停輿小憩壺天閣大夫松豈是秦封到此方成好邱壑
冷泉猶瀉日瓊瑤仄徑剛橫紅略約千盤峭壁對松山
陰吼濤聲上巢鶴南天門近咫尺耳西日回看瞬將落
未須供張煩主人躋頂且教留後約茲山卅里高莫高
茲游短晷誰能豪作詩寄語入山者未成一簣功徒勞

山轎中口占

謝家屐齒漫傳名如坐藤牀覺體輕趨捷下山猿善走
紆回上磴蟹橫行雲峯濟勝曾無具經峪探幽最不平
是日至經石何似籃輿出彭澤殷勤扶掖賴門生
峪道甚險峻

曲阜謁文廟

日麗天中世教明素王功德莫能京曾陪國學趨踰久
幸入宮牆偃樓行堂上尊彝皆古色詩禮堂觀禮器壁閒絲竹
有遺聲金絲堂觀樂舞聖人居近掄才地試院在廟東性道文章兩
並衡

顏子廟

志慕簞瓢樂欣來拜几筵性功歸克復道力徹高堅清
絕巷中井廟前有陋巷井馨茲郭外田祭田五十頃經綸兼四代那
不冠諸賢

周公廟

皋禹伊萊後宏開制作模大勲天地際達孝父兄須秉

禮猶鄒魯傳心逮泗洙非才戒驕客瞻謁重踟躕

謁孔林

洙水橋邊路言瞻至聖林
奠楹當日夢廬墓及門心古
檜根猶護神蓍種試尋斯文原
未喪抔土泰山岑

廉訪牛鏡堂前輩

鑑

擢京尹入都詩以送之並呈

方伯劉眉生

斯嶠

觀察陳仲雲

嘉樹

兩前輩都

轉程玉樵

德潤

人生賦宦游蹤跡恒轉徙僚友共一方
秦越乃尺咫自我來東山日月一年駛
采風十郡閒民恬吏有恥峨峨數大官
卓犖整綱紀固知表率端庶事斯就理
昨聞尺

詔徵公遷內史

京兆尹卽周之內史

趙張及邊延漢代並稱美公

能執法平威惠繼前軌公來方仲春公去又春始借寇
難少留挽鄧有同旨諸公眷眷情離惘出歡喜一室善
人居蘭蓀戀荃芷矧我久塵驅明湖舟甫艤鄰船忽張
帆相送意何已連宵別酒濃氣味飲醇似知公念同儔
不復辭綠蟻我歌當驪駒遙心逐鞭筆豈無繫維私三
輔蒼生倚持此叩諸公粲然發笑齒

泗水縣泉林小憩

犖磽山行暫息肩尋源陪尾古名泉噴流豈假神工鑿

妙境曾憑聖蹟傳

卽子在川上處

草綠搖波平瀉黛石蘋洶浪

碎遺鈿早知逝者原無逝晝夜盈科不計年

乙未三月按試曹州東同年王湘浦太守

灋

韓少

溪

亞熊

陸伊湄

獻

兩大令

時韓任荷澤陸甫卸曹縣篆以事至郡

餞春風景柳飛絲旬日論文士八千窺牖漫驚龍是畫

開簾祇許燕能穿冰壺鑑朗慙虛願玉樹陰濃問昔年

趙鹿泉學使曾植玉蘭一株勒寶樹二字於壁

莫負擷芳齋閣在

所居爲擷芳齋

此邦

姚魏正爭妍

宦游同聚漆園城十五年前證夙盟感舊難忘交道古

愛才方覺政聲清騰淵神劍猶藏鐔掛壁強弓已受檠

最好一犁新雨足看花先喜看農耕

約以校武畢往城東看牡丹

疊前韻酬湘浦少溪伊湄

手捧冰文意邈縣論心佳句一當千才逾何遜梅花瘦
技似由基柳葉穿塵海搏沙欣此會蓬山把酒記前年
去年此日宴於蓬萊閣卻嫌芳訊將離到紅藥匆匆鏡裏妍

過雨山光綠滿城翹材心事託同盟榛蘭遮莫勤披采
涇渭須教判濁清祇願人懷如耒筆可能家有讀書檠
諸君共溥文翁化藝圃逢年倩勸耕

吳退菴先生彙輯杭郡詩文孫仲雲前輩

振棫踵

成之次詩舫觀察韻

馨喬一硯卽專門副墨能傳洛誦孫北赭雲霞收異采

西冷煙月寫吟魂聚書公雅承家易述德臨川隔世論

我亦青燈讀舊味丹鉛敢遽輟黃昏

昌少時先祖授之讀

鎖院深嚴卻俗紛知公披卷證前聞

時方監試秋闈

文心清似

秋中月

謂大作擬程

詩句濃於海上雲刻燭光陰憐舊夢扶

輪宗派策奇勲七千士向蓬瀛望請賦煎茶爲張軍

送程玉樵廉訪之官甘肅

烏臺執法最昂藏繡服雖新舊點霜榆塞習知風紀肅

君曾官鞏秦階道

條驂應爲拜迎忙頻年鹽筴紆全算一片雲

根壓速裝獨有含情回首處鵲華羣岫愛青蒼

按部青齊歲兩過
塵勞惆悵別時多
置身肯使厄無當
同志真如水不波
座上清談皆肺腑
眼前離緒忽山河
相期千騎東方日
重對銀燈發笑歌

青州試院舊設席棚四百號
甲午夏五按部至此

頗以不蔽風雨爲慮
因屬音春圃太守

德布莫

枚舫大令

元邁

議增建之議既定
乙未正月英

薌巖同年

桂

來守是邦
督所屬輪俸鳩工不數

月蒧事丙申二月重來按試
喜多士之去危而就安也
紀之以詩

檐瓦鱗鱗斷復連
歡顏寒士庇新椽
應知襞紙搖毫地

絕異旁風上兩年樂善殷懷分鶴俸掄材先兆卜鶯遷
哦詩好爲諸生勗山對雲門用始鮮

蓬萊閣下校馬射

雨餘風定天無雲出城剛見升朝曛廣場選士滄海濱
馳馬七百童子軍如牆而進何喧紛令下一一齊竿分
鼓聲隆隆八尺鼓摺三疊中驕其羣大旗高張摩蒼雲
如謀元帥脂蕭焚小旗旋轉開紫霧應以畫角催朱幘
登壇孰策淮陰動手慚雙戟提百斤壁門嚴整豈不聞
霸上兒嬉安足云

清時兵氣銷矛矜挽弓仍取荆麋筋虎臣在泮甘茆芹

敢謂絳灌羞無文泱泱大風心所欣樹人永息鯨鯢氛

王月峯年丈照

東方曼倩神仙豪俯視塵世皆蓬蒿嚴徐吾邱非爾曹
丹房翠水憑翔翔安期之棗猶鴻毛貳師乃詔宛蒲萄
寄生樹上爲解韜一笑三食西池桃先生大隱名同高
三千歲月供游遨河陽花裏斟綠醪鯉庭陰滿心陶陶
丹榴斗大流瓊膏湘浦方官曹州太守曹州榴最佳仙緣何翅綏山遭
憶拜牀下十載惜重見鶴髮添修毫索詩容我弱翰操
已夢崑閩彈琅玕

武定新修試院旣成示諸生

自我役東國三至古棣州棣州試士院百年罕增修堂
皇有折棟號舍如漏舟孟言知命者巖牆懷隱憂矧茲
校文地而可屋打頭前年夏六月開場正冥搜翻盆驟
一雨幾遣筆盡投亟向守土語早爲築室謀州官色然
奮十邑偕運籌州人躍然應剋日羣工鳩楹宇隆以閎
垣壁堅不偷落成未數月重來賦薪樵入門輒心喜牖
戶都綢繆一言詔多士庶用銘堂陬立本視基址修辭
猶漆髹旁竇貴能塞正路期共由得此俯仰寬妍騁祕
可抽茲邦況靈秀鵲起登瀛洲驪珠吐光耀象罔曾尋
求武郡乙未入詞館者四人余甲午錄貢監科舉拔霑
化蘇敬衡第一是秋卽捷鄉闈丙申以第三人及第

願拓萬廈胸歡顏勉朋儔且毋廢茲葺久之同傳郵

武定試院移建三堂得一井甚甘湮廢久矣因加
贅治而爲文記於石余取昌黎詩意顏茲堂爲
汲脩堂因賦長句

一泓新碧出山泉拔滯離幽值此年埋壁久增名士感
煎茶恰得試官憐無多采色朱欄護有用文章綠字鐫
分付諸生勤緬汲華堂新額莫忘筌

戲贈招遠大令舒澹人同年

學魏

卽題其詩卷

鄭虔冷官飯不足王晞熱官思爛熟熱官要作冷官看
此語語君堪捧腹君宰羅峯今四春地不膏腴抱微祿

望雲親遠難導輿聽雨兄來常對屋仰斟長日間吏胥
到眼稀星數僮僕最憐烏鵲未橋填猶待鴛鴦將社築
君聘繼室五年始知言偃空割雞轉羨鮑宣能挽鹿官
矣尙未得娶

貧如此見亦罕酌水勵清民所服我從潘縣屢經過桑
下浮屠忽三宿夜挑燈藥誦君詩矯鶴翩鸞紛滿目堯
文句裏豪詆多方山眉間精悍獨心腸鐵石賦梅時應
念傾筐其吉卜天孫且貸二萬錢共擁黃紬放衙速

喜詩船觀察擢任豫臬次紀

恩二律元韻

春明五載屋西東共楫青齊歲四豐爲政儘餘文字樂

論交還仗性情通蕭何轉漕勤臣職元相才名達

帝聰昨捧

恩綸陳臬事冰心已照洛陽中

自愧連朝酒力微

余近止酒

樽前話到輭塵飛

談次屢及都門舊雨

沽路南歸蘭漿午日

恩先賜葛衣

君入奉

五月四日擢任

觀後旋署甫一日即

拂軫薰風

思

殿閣隨車甘雨接郊畿送君不覺攀條久一樹垂陽緒

共依

昨同飲酌突泉上撫垂楊久之

俞杏雨孝廉

敬佑

屬題尊甫咫園州倅天涯行腳

圖

孝廉才筆軼塵俗半載論文共燈燭出看滄海初日紅
歸對明湖秋水綠手持一卷行腳圖謂是先人舊游躅
元瑜書記最傳名馬周章奏都成錄我知家學顏誦芬
別駕有誦芬軒詩存早種晚收其報足他年乘傳徧天涯請聽丹
山雛鳳曲

王秋垣刺史乃杰課子知稼圖

紛紛紈袴誤人多儘有香囊製紫羅何似君家家教遠
吟梅官閣頌嘉禾

庭前森秀樹三株種玉豐年樂有餘誦到桑田靈雨句

勸農耕後課兒書

時正望雨

李海颿廉訪

宗傳

屬題登萬年寺望峩眉積雪圖

蠶叢路闢蜀山出赤甲白鹽景奇絕峩眉峙天壓岷石

三丈寒堆太古雪先生洗眼雲水中攬勝探幽曾駐節

龍圖白面猶昔時

廉訪官浙江時有白面龍圖之稱

山愧白頭如欲說

昨朝并讀巡邊圖羽箭腰閒馬蹄鐵詩情宦蹟滿三峩

功成不煩屐齒折卽今秉臬東方來鵲華指點秋容潔

心知泰岱敷雨雲勝似巴邛輸玉屑

海颿廉訪滄海釣鼉圖

小技燕弧誇貫虱大言龍伯詫連鼉豈知掣得鯨魚者

放手能平碧海濤

避客驅車爲陽驕
愛人觸網少吞舟
青蓮眞箇家風在
自有虹絲與月鉤

丁酉九月任滿還都留別四首

駢征四載賦皇華
珍重秋期喜及瓜
勤職尙慙難報
國論文敢說有專家
明湖開鏡心盟水
滄海撈珠手撥
沙知否參苓非
薏苡莫教官謗
逐歸車

魚鑰宵嚴但閉門
何心秋肅與春溫
力求祛蔽猶防壅
意在沽名卽負

恩清白家風虞我墜

昇平公道向人論使君應愧康成化帶草庭前未有根
燕山齊樹本相連差幸潘輿奉母使立雪紛來新弟子
拔萃者百臚雲重聚舊同年朱桐軒同年適來典試歡顏好庇于
閒厦濟南武定沂州臨清近皆新修試院青州亦增葺號舍倦眼欣看萬選錢時秋發
榜將一語借吟蘇王局

主恩未報恥歸田

頻年道長駛流光追暑消寒暫舉觴纔脫繭繭輸課滿
又隨社燕到秋忙箴來朋輩都銘座書捧師門重重座囊
四照樓署中樓名前幾槐柳料難餘愛比甘棠

戊戌春闈卽事

輅車甫別岱雲歸復拜

丹綸入瑣闥

恩重不嫌疏橐筆

昌未與考差特蒙恩簡

才幹也許說傳衣一

堂師範冰心澈

總裁長白相國寶應尚書爲昌壬辰座主

五度春光絮影飛

昌會試凡五次

記得當年辛苦地縱橫翠墨敢輕揮

聯行互寫蔚藍牋偷取工夫埽葉先要向五千分道德

舉子五千餘人

難逢十八盡神仙

同考皆翰林出身

望衡有客欣同榜

謂單地山黃扈席聘兩同年

蹕何人替著鞭

昌以講官奉入闈後須

奏請改派

曾到滄瀛頻

洗眼

任山東學政時三至登州觀海

可能雲水共澄鮮

詠齋師見和前詩次韻奉呈

一瓣心香瞬六年喜公重選大羅仙得陪洛下春風裏
相賞揚州皓月前籠藥多材先品貴燈花入夜爲詩妍
鯉庭桃李邀矜寵師和詩有歡顏上綵衣及門下門生句同傍門牆倍快
然

題門人錢崙仙庶常

振倫

慈竹圖時崙仙方乞假

歸娶

春雷一夜簣簞谷萬尺新梢長雛竹本來佳種是千雲
直上層霄俯羣木會稽之美東南來篠簜貢以瑤琨陪
班聯玉筍真翹秀文字甘蕉敢競才回頭老幹垂陰滿

歸對天親不容緩引鳳將吹蕭史笙求鳳台奏伶倫管
武林舊院說檀欒枝葉相扶待合歡武林有合歡一舉
竹見丹鉛錄
侯封喜瀟灑兩重慈蔭祝平安新圖好倩文同畫題詩
欲下菖蒲拜來年雙笛倚柯亭添繪龍孫作嘉話

己亥二月

大考翰詹

恩擢少詹事恭紀

榮筆

金鑾閱歲年盧前王後有因緣

九重知己

溫言達

召對時

諭云閱卷大臣本擬汝第一

數也因

朕移置第三汝得第一不若第三巧台上次名

大笑 三度同符盛事傳私幸聲名皆特達每慚文字輒超遷拜官難得

天顏喜插羽瓊條分外鮮

宗伯奎玉庭師以承暉園紀

恩詩見示敬賦二律奉呈

園爲煦齋相國直軍機時賜園師繼入樞垣復蒙

賜焉

春暉仍許近

宸暉如此園亭遇亦稀漢代韋平有堂構唐家瓌頊共樞機雕梁舊燕來重賀喬木新鶯喜慣飛省識

君恩深似海先教合浦返珠璣

早朝纔罷卽循陔魚鳥猶欣杖履來依舊橫牀滿簪笏

從知留地起樓臺飛泉疊石酬心賞垂柳高梧問手栽

得傍師門經兩世

先大夫己未曾試爲煦齋相國所薦

幾能日涉許追陪

給諫沈聽篁年丈

錄

屬題臺花圖

給諫幼隨侍臺灣郡署除夕見

花十三種

因爲之圖

曾見三山日照來神仙生小住蓬萊繪將海外羣芳譜
消得樓中八詠才羯鼓不煩催曉陌屠蘇猶記把初杯
人間官閣承歡者莫謫揚州幾樹梅

朱久香前輩

蘭

乞養南還以留別詩索和賦此送

之

瀛波飛櫂覺春融

錫類

皇仁許乞躬杯影正邀如鏡月鞭絲偏颺試燈風八旬
鬢髮應添綠十丈塵埃底事紅見說家山連玉笥白雲

深處擁書叢

君視學楚北以
俸錢買書載歸

昨宵翦燭對黃門心秤持平子細論

昨在黃愛廬給諫
席上共談視學劄

庠之

龍愛噓雲難養氣鴻經踏雪怕尋痕前緣入夢成

蕉覆清味留香免棗昏此去看花知較易

來詩有論文
敢作看花易

之春風畫錦總銜

恩

青田縣石門洞觀瀑布

甌江順流東雙槳去如駛萬山夾輕舟頃刻百餘里沿
溪得奇境石門兩峯峙山僧導我入濺瀑聲到耳空亭
陟崔巍連橋度邐迤倏然開洞天懸流仰頭是初疑銀
河翻萬丈瀉無滓又疑玉龍下鱗甲耀何綺觸崖勢逾
怒出峽情乃喜漫空作雨飛幻象肖雲委不惜佇看久
溼面及衫履但聞巖谷間鏗鏘滿宮徵偉哉造物神僻
地弄幽詭同游五六人羣焉歎觀止此邦毓英豪讀書
訪遺址相傳青田先生讀書院滔滔去不回毋乃竭精髓

我非康樂才品題慙竊比何能再疏鑿詞源視茲水

爲錢警石學博

泰吉

題清芬世守錄

廿卷琳琅手奉持駕湖世澤墨香滋傳家此勝魏公笏

述祖定多康樂詩負曝有書真善守

學博著有曝書雜記

消寒留

句感重披

錄中有雲巖先生與先大夫及僭嶠外舅消寒聯句詩

清門卻幸淵源

託交道文章兩繫思

衍石前輩曾受業於先大夫承爲作家傳見寄

題某觀我圖

圖作兩人對弈一人旁睨皆是人也

蛛絲蝸甲詠涪翁可惜身心付此中爲語人閒當局者

爛柯山外有樵風

勝固欣然敗亦欣丁丁落子幾人聞百東坡可千潭印

此理何嘗物我分

癸卯嘉平赴皖江督學之任途中述懷

臘鼓聲中出

帝闈十年陳迹宛如新

癸巳視學山左亦以臘月出都

連江白水盟丹

悃載路祥翼慰

紫宸息轍三秋仍奉使導輿兩度最思親

三齊兩浙皆侍慈輿以行

今不勝感憶

此行敢說衝寒瘁未半程途已是春

皖公山色好青蒼採幹搜巖手自量客夜歡誰逢謝尙

臣精消恐似田光心憐把卷孤槐蔭

京寓有槐四株近繪槐陰補讀圖

恩許提衡到梓鄉

遇大比歲例赴金陵考錄遺才

獨愛烝民詩送別遄

歸一語寄情長

署中園池白蓮李滋園前輩所植今歲盛花伯田

有詩次韻

移根當日自何方不貴紅妝貴素妝
花意似迎歸客笑詩心能寫曉風香
前身結社曾無酒短鬢臨流各有霜
一樹紫薇剛映照請參色相細評量

定香亭外碧波中記得栽花待信風
許我先窺圓蓋翠有人同賞彩雲紅
庚子浙署植荷未花也羅蘿村種桃前輩繼至遂盛開伯田同賞焉
道士緣都幻指李神仙說可通
且喜飛來雙白鷺製將

羽扇贈張融

金陵書感

不到鍾山廿五年一囊書劍故依然

試院汪文端聯句云依舊一囊書劍

重過鍾山珠搜滄海無嫌廣璞剖荆巒果孰先客至鄉音常

滿座人歸秋思亦分船

襄校諸友同里者半

回頭四度秦淮月但

奏霓裳未證仙

次韻楊谷書

楷

懷袞樓詠桂

貪看三山秋色新遲歸幾日負花辰餘香在樹猶延賞

好句如林各寫真夜月今宵圓別夢晨星舊伴感前因

舊有花香長伴圖今圖中友人存者惟子滂耳

恐教客思憐岑寂賴爾殷勤作

主人

時谷書獨留署中

年年初度共清陰

底度清陰張綠幕閣人古木炯青花銅懷衾樓前朱文定師楹聯語也

事先於菊散金塵界那尋修月手

覓修花者不得小山空發臥

雲吟幸同佳節歡持盞記種新株待脫簪

辛丑歲敝宅種桂二株

說與六千人識否

皖士入閩者六千人

吾無隱爾莫求深

中秋坐雨次伯田韻

蕭疏短髮不勝簪興淺難逢酒盞深嬾說梯雲探月窟

君未與秋試

喜同泛渚證詩心六年傳舍皆鴻爪

已亥章門庚子武林

辛丑江陰壬寅宿遷癸卯京師今在太平

一夕絲絃即鳳音莫厭蕉梧秋雨

驟可無繁響答清吟

庭桂復花喜而有作

我歸自秣陵庭桂花已殘強和楊君詩撫樹終盤桓有
如嗜酒人闌此筵席闌初觥不我舉餘慙何能歡迢然
曉花笑媚我良非難年年數花信爾複眾則單再接再儻
再厲金英復攢攢我雖琴無絃爲爾古調彈花前解嘲
語頃刻聞廣寒吳剛故停斧姮娥催脫冠俗謂桂將枝
開則脫帽枝
頭萬黃鶴凌風重振翰霓裳眾仙隊拍手來請觀天香
所飄拂更比頭番寬夏侯田賦長歌珠璣紛玉盤責我
息壤盟口血渾未乾我如退陣將臨老怯據鞍下車作
馮婦行步猶蹢躅顧念負花諾施報理豈安愧無英瓊
瑤酬爾青琅玕賞花意旣屢勸花將更端繁蕊悅羣目

外美中恐殫頗見再實木顚顚空根蟠美人亦尙褻學
者勿繡輦急斂秋月輝沃以玉露溥來年三珠樹桂几三株
照我七寶欄

題楊鬯園畫竹

竹可名齋愛此君

京寓有藤餘竹可之齋

但含朝露不干雲畫中

翠篠娟娟淨恍見窗前影二分

卜宅城西與竹鄰隔牆送過百竿春何時歸臥荒江屋
也爲王猷作主人

重陽次伯田谷書唱和詩韻

曾無風雨至不覺是重陽節候忽驚客官居加入鄉江

干消泛漲河上報清霜獨悵羅含宅難收菊滿囊時荆州被水

攜手伴三五淩岡當陟山不高忘足弱因嬾得身閒藤絡樹披疉松散峯聳鬟相看小兒女奪取錦標還

陸海峯太守世潮以從戎籌邊放鶴歸田四圖屬

題

卅年蹤跡畫中論曾上天梯記夢痕投筆氣如班定遠留田策仿趙翁孫聞吟秋興過巫峽飽看山光入劍門說與陸雲還一笑浚儀民頌使君恩

三霄毛羽九皋音二頃謀田豈夙心力穡漫思鴉種麥

倦游同羨鶴歸林喜談傅氏山陰譜

令子方擢刺潞州

聽賞成

連海上琴今日霜風吹帽處

龍山在當塗城北

且看秋稼共登

臨

當塗令宰餉菊數盆分供伯田谷書齋中次見示

詩韻

年年晚節說黃花淡對常憐馬齒加

余九月生辰

欲倩新詞

翻白雪故教小閣點秋霞開籬送酒誰三徑出戶尋詩

有兩家十日霜英同領略霎時楓葉又天涯

時將按試江北

潁州試院遇雪用坡公聚星堂禁體詩韻東幕中

諸友

校文經句如埽葉誰歟一卷攜冰雪西湖黯澹雙柳枯
無怪牙琴絃欲絕天公作戲誠解事喜我幾令屐齒折
開門勢已豐瑞占問途詩在行蹤滅聚星嗣響久無人
敢以鳩搶效鷹掣東南賓客席上盈錦段光明紛繡纈
未甘專美讓前賢要倩清言共霏屑不聞檐頭滴雨聲
見睨日消去如瞥連篇火急繪嘉遇八百年來同豔說
莫辭寒律應黃鍾再來便躍麤賓鐵

次韻伯田宵中不寐

黃嬾於君本不靈

君向不
晝睡

引年豈肯進猗苓詩從蜨枕

閒中得夜向魚更靜裏聽殘臘且收千點墨奇文都出

一燈青西湖水凍無由訪杭穎雌雄孰辨形

蔣瀚槎明經

兆鯤

靜坐觀心圖

讀書那必入山深半日工夫取次尋省識澄觀分外內
不隨馳景怕馳心

纔了文書卽道途窮年覓靜亦須臾何如風水生濶會
明月涵空自抱珠

龐子方同年

大莖

還讀圖

龐公宦成均與我官共冷城南有寓館翛然樂閒靜箋
經研古韻往往夜至丙客來晨未醒吞篆猶夢境突入
臥榻傍牙籤亂無整誰從問奇字自喜得脩綆如今久

退居明燭不忘炳種種報後熟書田豎新穎

令子新尚登賢書

取泉明詩夙好寫形影從知賦歸來絕勝泛萍梗憐余

事塵鞅食此畫地餅槐陰繪補讀

癸卯在京事

人海發深省

驀然又駢征日月逝如騁雖云文字職不比繁簿領何

若手一編澄我波千頃賴君昔素心燕說庶知郢

滁州校士畢游醉翁豐樂二亭遂至琅琊山開化

寺

少時習誦歐陽記今日偷閒訪二亭名世文章皆妙墨

二亭記皆坡公書

環山林壑尙濃青心期海內同豐樂身在樽

前幾醉醒莫道茲游翫春色宋梅開後但餘馨

歐公祠中有梅

一株相傳
爲公手植

探幽未厭緩歸鞭雲徑盤紆古剎偏側帽去尋留雪洞

雪鴻洞在寺後側身乃入濯纓來借在山泉寺中庶子泉上題濯纓二字那曾說

法降坡老安得聞名有智仙卻怪當時賢太守不教醉

墨徧題鐫

寺距醉翁亭僅三里無歐公題識處

伯田谷書及丁成生上舍

嘉泰

陳炳然茂才

清照

見和前詩賦此爲報

醉翁昔守滁陽日醉能同樂醒能述宴酣但說衆賓歌
欲覓歌詩詩已逸得毋觥籌交錯閒射奕誼誰能事畢
我來懷古景前游寒食輕陰翩獨出愧難燒筍款賓朋

祇覺捫苔冥儔匹歸來破戒哦小詩也當鳴春雜鷓鴣
便須半夜自撞鐘敢恥孱邦徒鼓瑟諸君好我善繼聲
矯鶴凌霄飛一一菱溪之石琅琊泉妙以憑虛勝徵實
應將此事託歐公主入無酒客有筆明朝試與採都梁
香草供君滿細帙

時卽按
試泗州

和湯敦甫師相游龍杖歌

蓼花近水爲水蒨風人賦物稱游龍秋來淺絳兼疏紅
點綴春色寒霞烘黃花晚節東籬東猶恐老圃羞秋容
矧茲薄植儕飛蓬敢冀眄陳煩相公相公鑄物有化工
謂爾幹直中虛通棱棱卓立塵霜風曷可翦棄憑園僮

吾身輕健開短筇與爾一笑欣相逢任杖得材古所隆
樗散瓠落勿以庸驅使草木如亮功園雖獨樂心則同
長歌紀事鏗洪鐘榮於松受秦官封徵詩下采菲與封
吹藜遠照光熊熊漢廷敬老舊德崇延年靈壽來無窮
此材何幸能陪從感知陳力銘其恭我歸扶杖瞻泰嵩
雲藤不數天台峯一枝斜倚瑞靄濃早在元老平章中

送劉生星溪

孟莖

張生竹卿

同符

入都

纔從采石泛歸航又對青山舉別觴桂樹豈容招客隱
槐花也解爲人忙殷勤燈火心無負利市欄衫手慣量
此去超羣見神駿不愁冀北少孫陽

舊游回首不勝情
記陟天門俯大瀛
眼底曾誇山海富
星溪家登州
竹卿家泰安
鬢邊重遣雪霜盈
文章我愧歐三上
遇合君過魯兩生
知否江南梅驛早
相思好爲算歸程
余受代後約十月抵都

同人懷袞樓中秋賞桂

江東不造暮雲遮
待我歸來始著花
遲速本如潮有信
團圓同借月爲家
幾人把酒酬金粟
前歲籠詩問碧紗
恰似浮屠猶桑下
句留已覺別情賒

同年汪艮山侍講

振基

執硯圖

汪侯昔上明光殿
作賦摩空掣飛電
書成博物似張華

拜賜彤廷青鐵硯如今色養循蘭陔梓里春風被羣彥

聚星堂前霏雪時炙凍拈毫評最殿

時主講清
穎書院

自迨祖

德述清芬案上琳腴寶紫雲詒我未忘君子穀從公方

掇秀才芹卅年手澤摩挲久繪入霜縑銘不朽三晉雲

山六詔煙隨身珍重無其右與君共硯宣南坊寒燈對

蘸松煤香結鄰嵇呂非千里異派馨喬若一疆孫謀如

此良田足傳硯重披感心曲

曩爲傳硯圖
紀祖澤也

我是君苗不

敢焚煩君笑眼開鸛鵒

張鶴生太守

錫蕃

齊雲誌別圖

鶴生自徽州移守
鳳陽道出休甯游

白嶽山而

作此圖

丹魁堂詩集

卷四

天

今年重到臨濠游鳳凰山畔鶯花稠春光忽若渡江去
臨濠太守驅行騶頗聞士民獻詩者攀轅頌禱成輿謳
亦如新安舊父老思借寇恂挽鄧攸曾稽選錢偶然耳
一事已足輝千秋君今到處碑德政我乃日遇兼耳謀

鳩茲姑孰僅咫尺

君攝巡道駐蕪湖

素書剖經通綢繆齊雲繪

冊索題句對此悔未尋其幽黃山兩度付遙望何況白
嶽非經由輶車蹤迹都草草勞人知爲山靈羞重陽莫
菊好時節驪駒將駕紛離愁扶筇尙擬往揖別元暉之
宅青蓮樓惜無畫手能解事略寫褰屐徵風流聞君指
日返舊治篠驂已辦迎細侯軒櫺滴翠送君色

蕪湖赭山有滴

翠軒鞭鐙豈不須句留我詩卻寄孰相和白紵松籟秋颼颼

崙仙太史尊甫港舫贈公乘槎圖遺照

凌風直欲到滄洲神馬尻輪汗漫游一樣飄飄有仙氣
遺書勝似所忠求

浮槎八月證前盟星宿源頭最寄情留與兒郎輕破浪
果然到蜀訪君平

甲辰崙仙
典試四川

丁未春闈卽事三首

一片紅霞暈紫庭壁奎垣外試占星虛名尙許沿唐宋
對面先教避尹邢虎榜光陰須靜耐龍門鎖鑰在嚴扃

思量今日東堂會十五年前語果靈

朱桐軒同年得隨芝軒師相典試

剪燭春宵易曉鐘堂顏敬事戒疏慵

所居爲敬事堂輸芻功孰

論蕭相

有旨令往天津收米因

拜井心猶學耿恭

首場井泉幾竭

香國每聞紅雨溼

連得時雨管城都受紫泥

封文章符牒從來慣博得簪花宴又逢

出閣日知貢舉例赴禮部筵宴

簪花

披雲爭看上丹梯指點神山路未迷敢說宦情風六鷁

難消公膳日雙雞玉壺問抱心逾淨瑤鏡頻窺首故低

一事莫將衰老惜十科前輩號新題

奉和芝軒師相丁未紀盛詩韻

四度珠衡重選仙八旬朗鑑似公難喜承

湛露皆溫樹

總裁皆直內廷

新被春風自上蘭

公由苑入闈

南同

榜昔容參沆準傳衣今況勝王韓

公子星齋編修上年典試滇南

記從

櫻筍廚開後千佛名經許早看

填榜日入聚奎堂從公午食

原作

霓裳會記領羣仙使節分馳會合難彈指光陰幾

鷓鴣同心臭味是芝蘭胸羅武庫今推杜手障文

瀾夙仰韓更喜春官舊桃李傳衣先向榜頭看

是科

廷試季仙九少宰吳崧甫少宗伯朱桐軒少司馬同與讀卷皆壬辰一甲也

奉和芝軒師相戊申新正蒙

恩晉加太傅

賞用紫韁恭紀二律元韻

祥開正旦兆綬豐頌德無名仰太空

壽寓羣欣徵

聖瑞

溫綸特獎代天工宣符應象三台貴攬轡聯輝二老同

鶴舫師相前蒙

賜用紫韁勝似含元春殿上盧鈞八十美和衷

領袖朝班海鶴姿樞機日贊不言私

帝袞盡職心無忝

旨云年屆
八旬贊襄盡職

天許延年

寵亦慈旨有尚齒引年之語調鼎能令元袞重鳴珂猶範紫駟
馳洪鈞事業期頤算合爲公陳錫嘏詩

己酉夏五自浙北還乞假回里省墓寄故鄉諸友
重隔家山又七年瞻言宰樹每心懸分無畫錦還鄉樂
恩許星槎問道便出世誰知雲戀岫憂時怕聽雨如泉
時苦多雨故人攜手應相慰我但臣勞豈曰賢

五月四日同人餞別湖上學使趙蓉舫前輩有詩

次韻奉酬

天收雨腳放清游湖上游人識我不一飲平原如十日
相逢陶峴足三舟佳辰競看龍標奪勝境重思雁蕩幽

學使先以重游雁山近作書扇爲贈多謝羣公同惜別杭州消得小句留

使旋至常州奉

命仍赴浙江震澤道中阻風王漢橋映斗鍾石帆秀雨

農部見和前作疊韻答之

打頭風急日如年幾見蒲帆十幅懸別派之江原曲折
老漁笠澤恰安便人家都在三分水

國計難籌九府泉不獨鍾王擅書法濟川舟楫正需賢
回首

觚棱瞬半年近來心事等旌懸

宸居宵旰曾何慰臣職馳驅敢自便妙手恐虛炊釜米

清衷猶鑒在山泉神仙相望真慙愧賴有同舟李郭賢

梁芷林年丈就養溫郡令子敬叔太守

恭辰仿趙

清獻故事構戲綵亭以娛志蓉舫學使試溫用

蘇子由韻唱和書來徵詩依韻奉寄

喜見紅雲照海東導輿選勝樂無窮人知綵筆仍江令

天遣青山佚謝公官閣斑衣娛壽考賓筵詩律擅神通

回思孤嶼亭邊過漫漫逐黃梅船舶風

庚子夏按試東甌事竣卽赴台州未

及一游名勝至今爲憾

壬子仲冬福州謝事回籍紀

恩述懷兼與僚友誌別

廿載春明步輦紅
遭逢慶幸

兩朝同亦知憂樂
關天下豈有經綸
被海東乞病敢言
初服遂避賢差覺
寸心公輕舟載得

君恩重請看三山
引去風

何來蠻語聽嫵媚
隔鎖鑰南疆孰遠
謨眠起三番人柳
態一載中三受
策三交策清酸一幅
荔支圖銷兵日盼
機槍埽足
國心懸粟帛輸祇
願

昇平同報答莊樗
甘老不材軀